

Шайх Муҳаммад Содиқ Муҳаммад Юсуф мажмуасида сийрат хатмонаси ўтказилди



13:00 / 07.11.2021 1481

Ҳижрий 1443, милодий 2021йил 6 ноябрь куни «Шайх Муҳаммад Содиқ Муҳаммад Юсуф» жомеъ масжидида «Расулуллоҳ соллаллоҳу алайҳи васаллам – қалблар табиби» деб номланган сийрат сұхбатларининг хатмонаси ўтказилди. Мавлид тадбиридан аввал аср намозидан сұнг юртимизнинг таниқли қорилари ташриф буюриб, «Хилол-нашр» томонидан чоп этилған 30 поралик мұсҳафи шарифни жамоавий хатми Қуръон қилиб бердилар. Жамоавий Қуръони Каримни хатм қилиш мавлид тадбири баҳонасида барчамизга намуна ўлароқ тақдим этилди. Қуръон хатмонасидан сұнг нашриёт томонидан чоп этилған 30 поралик мұсҳафи шариф қориларимизга ҳадя қилинди ва мавлид тадбирига юртимизнинг күзга күринган уламолари, ахли илмлар, имом-хатиблар, қори домлалар ташриф буюришди ҳамда аёллар учун алоҳида маҳсус жойлар ҳозирланди. Азиз мәхмөнлар ташрифидан сұнг шом намозига азон айтилди.

Шом намози аді этилгач, күркам масжидда «Расулуллоҳ соллаллоҳу алайҳи васаллам – қалблар табиби» деб номланган сийрат сұхбатларининг хатмонаси бошланди. Тадбирни [islom.uz](#) ходимлари Ёрқин Халил ҳамда Қамариддин Бекмуҳаммадлар олиб боришли.

Мавлид байрами анъанага мувофиқ Қуръони Карим тиловати билан давом этди. Тиловатни ҳофизи Қуръон Абдулбосит қори Қобилов ўқиб бердилар.

Сўнгра юртимизнинг улуғ устози Яҳё қори домла дуо қилдилар.

Кейин Ўзбекистон мусулмонлари идорасининг масъул ходими Мухаммад Айюб домла Ҳомидов сўзга чиқиб, Пайғамбар Мұхаммад соллаллоҳу алайҳи васалламнинг исмлари зикр қилинган мажлис гўзал ва муаттар бўлиши ҳақида ибратли маъвиза қилиб бердилар.

Сўнгра «Ҳилол-нашр» нашриёти раҳбари, «Шайх Мұхаммад Содик Мұхаммад Юсуф» жомеъ масжиди имом-хатиби И smoилжон домла Мұхаммад Содик нутқ қилдилар. И smoилжон домла сўзлари аввалида сийрат хатмонасига ташриф буюрган азиз меҳмонларга миннатдорчилик билдирилар. Сўнгра яқинда «Ҳилол-нашр» нашриётида навбатдаги 30 поралик мусҳафи шариф чоп этилгани, халқимизда жамоавий ҳолда хатми Қуръон қилиш анъанасини давом эттириш, Расули Ақрам соллаллоҳу алайҳи васалламнинг шамоиллари ҳақида гўзал сұхбат қилиб бердилар.

Кейин «Шайх Мұхаммад Содик Мұхаммад Юсуф» жомеъ масжиди имом ноиби Ҳасанхон Яҳё Абдулмажид сўзга чиқдилар. Сұхбат чоғида Ҳасанхон қори бу йил рabi'ul аввал ойида умра зиёратида бўлганлари, Расули Ақрам соллаллоҳу алайҳи васалламнинг равзаларида ўзларининг қалбларидан ўтган дил изҳорлари, мавлид тадбири байрамона кайфиятда бўлиши, шавқ-завққа тўлиб тошиши, у зотни улуғлаш шу даражада бўлсинки, у зотга ғалаба нашидасини олиб келиши, Набий алайҳиссаломни мадҳ этиш, фидокор бўлиш тўғрисида пурмаъно таърифлар билан ўзгача бир руҳиятда мавъиза қилиб бердилар.

Гўзал сұхбатдан сўнг Ҳасанхон қори бошчилигидаги «Жаннат булбуллари» гуруҳи томонидан шу қори домламиз қаламларига мансуб салавотлар ижро этилди.

Сўнгра юртимизнинг улуғ устози Яҳё қори домла сўзга чиқдилар. Устоз мавлид байрамини ташкиллаштирган барчага хайрли дуолар қилдилар ва бугунги кунимизда Аллоҳ таоло биз бандаларга бераётган улуғ неъматларга шукр қилиш ҳақида дурдона насиҳатларини бердилар. Шунингдек, фазилатли шайх Мұхаммад Содик Мұхаммад Юсуф раҳматуллоҳи алайҳи хотирлаб ўтдилар.

Шундан кейин Халқаро ислом академияси доктори Аброр Мухтор Алий домла сўзга чиқдилар. Аброржон домла ўз нутқларида Набий алайҳиссалом биз умматларни нақадар севганлари, умматни энг тўғри йўлга чорлаганлари, у зотнинг барча яхшиликлари фақат уммат учун ва

қиёматда шафоатчи зот бўлишлари ҳақида таъсирли маъруза қилиб бердилар.

Кейин Вақф хайрия жамоат фонди раҳбари Яхё домла Абдураҳмонов нутқ қилдилар. Яхё домла Пайғамбаримиз соллаллоҳу алайҳи васалламнинг гўзал ҳулқлари, у зотга бир кунда 1000 маротаба салавот айтиш ҳақида мавъиза қилиб бердилар.

Суҳбатдан сўнг кичик Муҳаммад Айюб томонидан гўзал салавот ижро этилди.

Бундан бир неча ой илгари юртимизнинг буюк алломаларидан бири Имом Абу Ийсо Муҳаммад ибн Ийсо Термизий роҳматуллоҳи алайҳнинг қаламларига мансуб «Шамоили Муҳаммадийя» асари асосида шайх Муҳаммад Содик Муҳаммад Юсуф жомеъ масжидининг имом ноиби Ҳасанҳон Яхё Абдулмажид дарслар олиб борган эдилар.

Хижрий 1443 Рабиъул аввал ойи муносабати билан ушбу дарслар асосида мусобақа ташкиллаштирилди. Мусобақадан кўзланган мақсад барча уммати Муҳаммадийяга Расулуллоҳ соллаллоҳу алайҳи васалламни яхшироқ танитиш ва у зот алайҳиссаломга муносиб тарзда эргашишга чорлаш эди. Танловда қарийб минга яқин иштирокчилар қатнашди. Мусобақа икки йўналишда араб ва ўзбек тили бўйича олиб борилди. Ҳар бир йўналишдан учта энг кўп ва энг тез жавоб берган иштирокчилар танлаб олинди.

Араб тили бўйича биринчи ўрин Ҳайдарова Ҳабиба, иккинчи ўрин Мадина Муҳаммад Юсуф ва учинчи ўрин Мамадаипова Шахнозага насиб этди.

Ўзбек тили бўйича биринчи ўрин Ҳамралиев Шоҳжаҳон, иккинчи ўрин Шарипова Бахтихон, учинчи ўрин Намозов Сирожиддинга насиб этди. Мусобақа ғолибларига шаҳодатнома ва қимматбаҳо эсдалик совғалар тақдим этилди. Шунингдек, мавлид ойи муносабати билан ташкил этилган «Шамоили Муҳаммадийя» танловини ўтказишда ҳисса қўшиб ёрдам берган Суннатуллоҳ Абдуллоҳ Зафар ўғли, Отабек Икромбеков Илёсбек ўғли, Мирзобек Хaitov Шавкат ўғли, Давронбек Бобоназаров Тўраназар ўғлига [islom.uz](#) портали жамоаси томонидан ташаккурномалар ҳамда қимматбаҳо эсдалик совғалар берилди.

Мавлид байрами сўнгига хатму Қуръон тиловати ўқилиб, дуолар қилинди.

Мавлид байрами [islom.uz](#) порталининг барча ижтимоий тармоқлари орқали жонли тақдим этилди.